

新編事文類聚翰墨全書

新編事文類聚翰墨金書卷之十八



內官職門

文類

書一

自韓文公三上宰相書循習至今率為道方今書盛涉
之語而所以自道則祈哀乞憐多所為至竿牘懷語則
尤甚乞徧以諸先心達之任者為一類自朝堂至州縣
或論事或出處各所節為不足者論之官者之戒也

上宰相書時為浙東憲

文公

六月八日具位謹奉書再拜獻于某官嘗謂天下之事有緩急
之勢朝廷之政有緩急之宜當緩而急則繁細可察無以存大
駐而朝廷之氣為之不舒當急而緩則怠慢廢弛無以赴事機
而天下之事日入於壞拘之二者皆失也然愚以為當緩而急
者其害固不為小若當急而緩則其害有不可勝言者不可以

不察也切觀今日之勢可謂當急而不可緩者矣然今日之政
則反是愚不知其何以然也去歲諸路之饑浙東爲甚浙東之
饑紹興爲甚聖天子聞念元三之無辜傾困倒廩以救之而抵
者至出內帑之藏以補其不足德意之厚與天同功其於是時
憊卧田野明公實推挽之使得與被使令趨走之末仰惟知遇
撫己漸怍然自受任以來夙夜憂歎恐無以仰承聖天子之明
命而辱明公之知於此時也是以不憚奔走之勞不厭奏請之
煩以盡其職之當爲者求以報塞萬一而乃奏請諸事多見抑
抑幸而從者又率稽緩後時無益於事而其甚者則又漠然無
所可忤若臨深井之中至其又甚者則遂至於按劾不行反遭
傷中而明公意所左右又自曉然使人憤懣自悔其來而求去
不得遂使因仍以至於今日以來神明消耗思慮恍惚兩目
皆盡省閱艱辛方欲少俟旬月別上封章冀蒙哀憐得就閑佚
又以連日大雨旱勢復作紹興諸邑仰水高田已盡龜折而山

鄉更有種不及入土之虞明發台州皆來告旱其勢可憂雖已
多方祈禱必冀感通然天道高遠事有不可期者乃一更加旬
日未遂所求則去年境界又在目前而上自大農下及閭巷公
私畜積頻年發散亦自無餘後日之憂必有百倍於前日者某
之迂愚固不知所以爲計誠恐雖以聖王之聰明聖智明公之
深謀遠慮亦未必有斷然不可易之長策真可以惠活飢民彈
壓姦盜而保其必無意外之患也某是以徬徨林泊未敢遽請
而復冒昧一聲其愚惟明公試幸聽之大抵朝廷愛民之心不
如惜費之甚是以不肯極力爲救民之事明公愛國之念不如
愛身之切是以但務爲阿諛順指之計此其自謀可謂盡矣然
自旁觀者論之則亦可謂不思之甚者也蓋民之與財孰輕孰
重身之與國孰大孰小財散猶可聚復民心去失則不可復收
身危猶可復安國勢一傾則不可以復正至於民散國危而措
身無所則其所聚有不爲大盜竊者邪明公試觀自古國家興

覆之由何嘗不起於盜賊盜賊竊發之端何嘗不生於飢餓亦
眉黃巾葛菜黃巢之徒其已事可見也數公當此無事之時處
置一二小事尚且瞻前顧後踰時越月而不能有所定乃一荐
飢之餘事果有不可知者不審明公何以處之明公自度果有
以處之則其不敢言若果無以處之則與其拱手熟視而候其
禍敗之必至孰若圖難於易圖大於細有以消弭其端而使之
不至於此也古之人固有雍容深密不可窺測平居默然若無
所策而臨大事決大策不動聲色而措天下於大山之安者然
從今觀之自其平日無事之時而規模指畫固已先定於胸中
是以應變之際敏妙神速決不若是其洩也況今也
宗之讎耻未報文武之境土未復主上憂勞惕厲未常有忘
向之志而民貧兵怨中外空虛綱紀隳夷風俗頹敗政使風調
雨順時和歲豐尚不可謂之无事況其飢餓狼狽至於如此為
大臣者乃不愛惜分陰勤勞庶務如周公坐以待旦如武侯之

經事綜物以成上意之所欲爲者願欲從容優仰玩歲揭日以
僥倖目前之無事殊不知如此不已禍本自深其恐所憂者當
不在於流弊而在於盜賊受其害者當不止於官吏而及其邦
家切不自勝漆室嬰婦之憂一念至此心膽隨地念不可不一
爲明主言之而猶未敢率然而進敢先以告于下執事

答梁丞相書

文公

伏讀賜教盛德不居退託愚儒仰惟明公之心正大光明表裏
洞徹無一毫有我自私之意而某以妄庸受知之久又勤下問
至於如此亦豈能勃然自閉一無所進以效其尺寸之愚哉但
以正此退藏不當出位是以於政體之是非人材之邪正一毫
不敢有所陳說而獨請以王通所謂願君侯正身以治天下者
敬爲明公誦之其言雖近其指則遠伏惟明公於此試留意焉
廣引人材勤攻己闕使凡政事之出於我者無一疵之可指則
上以正君下以正人將無所求而不得如其不然則爭之心不

正者積之之多亦足以害吾之大正使吾至大至剛之氣且有
所屈於中而德望威名日有所損於外是則且將見正於人之
不暇尚何望其能有正君完國之功哉今天心未豫而民力已
殫國威未振而虜情叵測惟願於此深念而亟圖之則禁也受
賜多矣狂言犯分惟高明有以寬之

與劉丞相書

文公

區々賤賤已具前幅必蒙矜念俾遂退閑不敢重出以煩公聽
惟是昨因致謝輒罄鄙懷狂妄僭率不勝惶恐然自遣人之後
即得朝士私書語及近事恭聞丞相忠誠感格天意爲回重陰
之底復有陽復之漸乃切自幸其言之不效既又反覆以思則
恐今日之事未足爲喜而前日之論猶有可思者也蓋自古君
子小人雜居並用非此勝彼則彼勝此無有兩相疑而終不決
者此必然之理也故雖舉朝皆君子而但有一二小人雜於百
執事之間技隙抵牾已足爲患况居侍從之列乎况居丞弼之

任而潛植私黨充滿要津乎蓋三大臣者人主之所共分別
賢否進退人材以圖天下之事自非同心一德協恭和衷彼此
坦然皆以國家為念而無一毫有己之私間於其間無以克濟
若以小人參之則我之所賢而欲進之者彼以為害己而欲退
之我之所否而欲退之者彼以為助己而欲親之且其可否與
同不符勉強力辨而後決但於相與進對之間小有俯仰前却
之態而已足以敗吾事矣是豈可不先以為慮而輕為他計以
發其害我之機哉此猶姑以釣敵之常勢言之耳况今親踈新
舊之情本自不作忠邪遜逆之趣又各有在彼起挾必勝之地
而挾群黨以塞要衝凡一舉手一搖足皆足以為吾之害下至
近習纖人亦或為之夾持簡牘關通內外以助其勢而吾乃兀
然孤居孑然特立絕無蚍蜉蟻子之援可與用力於根本之地
以覺上心而清言路其可望以為公道之助者不能留之跬步
之間而欲求之千里之外彼方為主而我方為客彼方為力而

我方為肉此固天下之危機敗證而又時取彼所共惡之人置之不能為助之助益其疑而無補於事愚恐雖遍起天下之賢人君子置之內外彼亦不必動其声氣但陰拱而微伺其勢以能害己則便一瞬目而群吠四起使來者或未及門至者或未煖席而已狼狽倉皇奔迸四出矣尚何國事之可圖哉今日之事丞相以為但去一人班列便無小人瑩閣便無異論乎胡不觀於鄭尚書王著作孫司業之遂去而不留表溫州之已除而中寢此皆誰實為之也哉以愚觀之但見其操心益危慮患益深而為人益甚耳語曰治水不自其源末流弥增其廣又曰射人先射馬擒賊先擒王蓋慮此也去年劉副端初除抗論震動朝野善類相慶而某獨深憂之今日之勢何以異此伏願丞相試熟計之而亟陰求學士大夫之有識慮氣節者相與謀之先使上心廓然洞見忠邪之所在而自腹心以至耳目疾舌之地皆不容有毫髮邪氣留於其間然後天下之賢可以次而用

天下之事可以序而爲也如其不然則自今已往丞相之憂乃有甚於前日是以某切危之而未敢以爲喜也辱知之厚不敢不盡愚惟高明察之抑天下之事固多以欲速而致敗然見幾不早猶豫留時亦智者所甚懼也今日在我之勢固爲甚危然乘隙疾攻正在此時投機之會間不容息惟丞相深計而亟圖之則不惟善類之幸實宗社生靈之幸某死罪死罪

與王樞密

文公

某申謝常礼已且公函候問勤誠又見前幅不敢復有陳及以恩鈞聽唯其區々之鄙懷則有不得不爲執事言者某自鉛山拜領鈞翰之賜開壁詳悉愛念良厚遂不敢復請謹已力疾來見吏民違負初心已積慚憤而閑放之久遽從吏役觸事迷塞復有血指汗顏之羞加之仇拙有素未能俯仰流俗雖欲抑而爲之念已不入時宜不忍徒交所守輒復慨然自廢計此孤危切恐未及引去之間而已有或擊之者雖欲夙夜究心詢求民

瘼爲此一方除深錮之害興久遠之利以副聖上特達之知猗
公薦寵之意亦不可得矣有少文字託潘郎中表寺丞面稟若
蒙矜念早賜死轉使得先駭機之未發而去之則某之受賜又
不啻前日之所蒙矣月瀆威尊伏深戰栗病衰自暗字畫不謹
并乞矜恕

與龍參政書

文公

某衰陋亡庸誤蒙引拔自知不稱管方懇辭未奉俞旨祇增震
懼今再有狀欲望哀矜早賜敷奉施行則某之幸也抑又有以
聞于下執事者某自幼愚昧本无官情既長稍知爲孝因得則
聞先生君子之教於是幡然始復謀有濟時及物之心然亦竟
以氣質之偏帶任簡妄發不能俯仰取容於世以故所向落々
無所諧偶加以憂患心志凋零久已無復當世之念矣而明公
乃欲引而致之搢紳之列不識明公將付所使之也使之隨群
而出逐隊而趨耶則盛明之日多士盈庭所少者非某等輩也

使之強顏苟祿以肥妻子耶則某於飢寒曾安已久所病者又非在此也且必無已而使之得以其所聞於古而驗於今者效其愚於百執事之後則某之所懷將不敢隱於有道之朝切料非獨一時權倖所不樂聞意者明公亦未必不以為狂而斥之也由前二者明公之計決不出此由後之說則懼某之殺身無補而反得罪於明公也意迫情切言不及寃伏紙隨起

與崔菊坡尚書書

某伏自尚書帥蜀東歸曾飭一箋於江之上下遺人追訪諫也
不力及變子而仙輿已過月峽矣洪考功之還紙前書同詩卷
舟囊就附其丹以行雖臯綬已不及事然門人所以亦德之誠
非此則無以少見真意度先生必能照之度外也尚書志正而
氣一養熟而道疑惟其視宇宙之大無一物足以動其心所以
安分義之閑雖方鍾不能奪其志嗣君訪洛圖任舊臣累詔趣
徵亢章不出難進易退之風高矣但溫公旣歸洛朝廷每有太

事知無不言雖詔書中不便於言事者亦請改易魏公去國
之後或勸其勿復以時事爲言公慨然以君臣之誼責之乃知
國家之命脉閑言語之通塞係善類之消長尚書身雖在外詎
可翳然林水之間不以溫公魏公之所當言者爲言哉況尚書
負海內之望多士之所指模苟惟不言則必用況在蜀中凡
所薦進之士有登于朝者有籍記於中書者有留於連帥之幕
府者川泳雲飛次第拔擢如其者尤謬庸亡奇亦以尚書舊辟
寵撫機之例置之機杼前脩所謂一經品題使作佳士真不虛
言也蜀邊一向帖靜頻年由里間亦不爲不熟而物價之昂竟
不肯減所幸者闕表差平自此外別無所聞今因漕司人便輕
附一緘申詞就有某宰神泉日冬夜九詩及前崇慶王吏君所
記社倉碑一本拜呈幸賜標月之指餘祈中輔耆德進乘新陽
時有延登之拜

回葉正言書

某屬方拜狀欲附近行矣明日使星至又得所賜書沃而讀之
則揆時寒暄撫問餐飯甚非天子諫官所以待庶僚體也然則
某之為卒穢敬者當何如前書既已略之今書不敢不情也以
情事正言其知免于戾矣淮堙一稔遠勝江浙又幸二哨不動
收拾淨盡似可以苟且過此厄運却未知來春何如耳敵國外
患要與法家拂士同恐不可遽以是為賀如某山林鄙朴士每
事迂闊以故落三與世无緣今此羈縻殆是自嫌不能相容之
名犬馬畜之耳正言其亦憐悼之否乎能延重者其承嘉惠時
時橫書卷對之但希德馨襲之不知冰霜之凜可畏也

回呂正字書

紫陽

進長著廷行應獻納之選吾道固有均矣其所請不遂諸公意
則其勤但私計為甚不便私義為甚不安加以近來疾病益衰
前日欲略入城將就車而病作兩日不能起今方粗安然尚未
敢出門戶也末論其死觀此氣象更復更其衰矣公亦无可答

何且一面呼延兵為興疾獨往之計萬一臨行不遇勉強又當別致情懇且前後誨喻之意非不詳悉亦切自念一向如此實於大義有所不安又思今日致身事主以扶三綱者世不多人決不至以其故遂使大倫至於廢闕故願乞其庸繆義感之身以偷安自逸及此餘年且万一不免復有祈請全仗老兄力為主張使不至大段狼狽也

與李憲書

某知有執事久矣去冬尚書郎韓公以書抵某曰檢詳吳公今以使者節入闕公端人也子盍見之方其未得此書則皇華之轡已入建境矣內謁於門下而望書者之容以異聞鑒歎之餘論固不宜後又竊自念近世風俗不復知以道義交人而相求於執利者皆是執事之持使節其於一道之人實能利售禍福之真執利之所在夫挾勢利之權亦無怪乎人之求於我者以勢利此某所以後巡中不敢進焉其幸於門下之心則不忘

也今者執事且以至書之召歸於朝矣然則公前日之不敢見
今日則又不敢不見其見固禮也然亦不無說焉某切謂人才
布滿天下常材則歸於吏部材之大者則宰相得而用之堂除
是也以堂除為不足則宰相不敢專而必歸之人主今之召對
者是也比年以來今日召一人來自召一人且所召之人吏部
不得聞宰相不得与而其事獨出於人主今乃在上者泛然求
之在下者泛然應之泛然求之則其失在人泛然應之則其失
在我人固可以泛然求而在我者故不可以泛然應也前日侍
郎陳公之行其道及此矣今日執事繼之必不敢不以告也某
聞人也執事來閩而不得一望顏色毋亦重它日之恨焉其於
執事不可不見如此先之以書欲執事知其所以求見之意也
冒瀆聽瞻恐疎無地不宣

與朱太守書時知南康軍

東萊

今早發南康堂帖行方拜書矣隨右候送勅令上納且俾作書

敦勉切謂前後除自无如此除穩感蓋軍壘地望不高無紿思
居尊之嫌遠方自如無掣肘牽制之患吾文平昔倦君民志
念未嘗少忘惓然一起既可以永領朝家美意又可以澤及一
方使世小見儒者之效於繫自不輕也善類衰微元氣漸薄稍
有萌功政當扶接導養雖如孔孟交際苟善未有不應之者若
到官後或有粗語則卷舒固在我也目前相識依郡粗能行志
者不少况多力之深德望之積上下自應孚信亦何粗語之慮
耶若意未能已猶欲自列須令其辭平穩若不允則便宜受命
不可至於再也苟懇辭不已紛者便以長往不來見處其者
將有厭薄當世之說使上之人貪賢樂善之意由此少怠亦可
惜也

與林宰書

其嚮者嘗修廢牘計瀆聽矣請遠又兩三月係仰可知也晴意
可喜即日伏想百神交相福貺川增某一病一月今雖小愈然

尚未脫然頽然病榻之間絕不聞外事而故舊問疾之書亦不
以外事相告自首歲以來如坐深井兩月前忽聞邑中諸公以
以不肖之跡狀之於縣而執事又不以某之無取覆以聞之監
司郡守中間傳聞此議起於趙薄陳尉嘗依書力辯於二丈而
不知執事又繼之重惟其早歲獲從諸公之游而又預聞其說
蓋嘗慨然有當世之志今老矣所欲者不過杜門著書藉手以
見古人耳它何望焉文字既以中發不可復已內省不祇恐悚
無窮細民歟食而富者閉糴愈其常歲貧民惟藉富家貸米蓋
一石歲以五分息償之今以米直之高入遽不貸貧者待哺之
望既失轉壑之患是愛人情惻殊不自安也過春及夏尤為
可慮不知執事有策以處此否

事文類聚翰墨全書卷之十八

庚集

新編事文類聚翰墨全書卷之十九



官職門

文類

啓

賀啓

（字）

賀韓丞相啓

唐子西

願奉制麻延登宰席播騰九有歡慶一辭切聞考光龜以斷大
謀不如舊德指膏木而補故國未若世臣才猷夙著於廟堂名
實已隆於天下故社稷因之而倚重朝廷待此以稽疑恭惟
其官器重海涵神清玉粹天資收稟有仁民愛物之心家學所
傳皆論道經邦之術藹揚令聞迥涉亨途須任樞璫已深於
漢隆出臨閣寄澤未普於商霖政地久虛魚言允屬值聖朝之
嗣服思賢輔以牙衡召還三遷遂宅百揆常平盛事固無婉於
古人矣壯全功誠責全於今日必將盡發胸中之蘊庶幾大慰

海內之心其承之遐陬則歸除目里表露之極莫越兩兩之
階叢扑寸誠難形尺牘

賀文丞相除太師

李成李

光膺策命入拜師臣三公惟人大要有棟梁之任一相處內四
方如泰華之安天扶聖君人望元老惟樂精神之會流通上下
之情禮無與隆時所罕遇恭惟其官厚靈獻秀配德坤元器深
厚而有容通直方而不撓武足以戡定亂畧文足以潤色聖謨
可託大事則社稷之臣不親細務則帝王之佐進人如己愛物
以清頌畫畫如臨無寧於華夏陰功如惠孚感於神明故能業歷
四朝身兼五福出入將相幾四十年古今勲勞無一二其屬氣
人之嗣服隨無事以圖新謂國君甚公未有未決之疑左右輔弼
皆後來之俊俾辭留輪天造內朝集時蓋於都門羅縶於候
館衣衣已往難留洛水之鴻郭皓首懷不共識仁皇之真相龍
光遠被閩路榮觀于今熙河之飽饒其如西夏之疆隅未復不

足者九年之食已傷者百姓之財將沉而卒歸更而負溢求
賴蒼龜之舊德克開社稷之遠圖府陪調鼎之司獨踐位視之
地壽考之福方邁德於汾陽礼樂之功更仰承於姬旦其素惟
鄙昧以荷獎提合座焚煌假披雲之在望隆躋履朕但服駕以
長鳴

賀杜右相

劉後村

渙發制麻晉登殿席朕夢朕卜聿開帝賚之祥汝真汝爲其代
天工之曠宗祧增重廉聖益尊在昔昭陵有臣祈國內則宸綏
封之請謁外則爲清議之主盟奎館頌歌与希文而對秉宮闈
嚴陣云杜某之卻還孤傳千万世号為端人寔寔二百年証可
繼者儒矣元台之拜凜然天即之同恭惟其官稟河岳之英有
幸謂之望充寒夫地不出孟氏之至剛臨履淵冰孰知曾子之
大勇嘗叩義府於反下亦責平津於上前自公辭高位而繁身
舉世順下風而俯首泰然客子居然擅國事於閨中晉有偉人

何至移朝權於姑孰萬哀哀收太阿之柄而斯朝虛若石之墮
輟玉食而深恩壽金匱而未決天開文治辟作福威靈則忠邪
頌謗表著群公環列類非昔者之親臣一老嫗存身自巍然於
下國百辟迎安重之至九重慰不席之恩謂莫繁乎一日乃棧
之芳莫要乎三墻五曲之道嘉與鴻碩相親燕閒強予一人遂
冠班於孤棘益者三友時開卷於細旃內家賜聖製而開御筵
太史奏客星之近帝座龍光祥耀漢史兩侯之榮典故具存
鍾申路二公之拜某以孤校羅積困訪傷人或謂之非幸自不
知其何罪享謬石介因以憾於富公巧詆舜欽本欲傾於邦國
不敢發途窮之歎庶幾有太定之時久踈趨館之起居忽聽大
廷之播告僕方養母詎宜起隱於終南公素於才倘許外歸於
陽翟

題詞

賀吳樞密

汪彥章

光膺策命進陟樞屏謀若蓄龜投千載功名之會心如金石爲

兩朝社稷之臣當日月之繼明垂風雲而特起國良哉立天爲
時生恭推其官厚德鎮浮英才經遠以天地浩然之氣潛養于
中於古今作者之文悉臻其表爰自踐揚之始每勤納獻之忠
立朝未及於中年卒世推爲於舊德昨屬殊隣之援上貽當寧
之憂爰烽旣徹於甘泉清蹕將游於汾水唯公夙夜與國存亡
由侍從之周行決纂承之大計方獨處雷霆之下有難言父子
之簡雖黃髮非帝堯之心固宜及此然逆鱗在神龍之頤誰敢
嬰之非二三秘策之前陳使百萬精兵而奚益宜彼車之喪氣
知吾國之有人委曲請盟遂巡退舍九重根本得英公賢於長
城四海生靈微管仲五耳其左任方主上主明之今日實邦家希
闊之昌期欲衆賢同建於事功非雅尚孰爲於師表將万世維
持之是賴何一時康濟之足言

家政

賀羅參政啓

張文饒

顯頒詔綵策武政提真賢奮雷震海蒙福共惟慶慰伏以其官
神安美偉識量清吏李推四沙之宗王德茂三朝之元老再進
冠於神武高難繼之風兩待詔於金盞卒賴持顛之累遂由公
望入踐政途論說無疑沛若巨魚之縱壑奸邪不起凜如猛獸
之在山坐制天驕允矣其人貪取賈元於鼎鉉佇紀績於旂常其
蕭然衰蹤託此巨屢念僑真於高密實陪賓客之餘茲假守於
會稽獲奉教條之舊未貽吏議殆匪人謀除目播於迹遐驩心
倍於吏更計安宗社側聞帷幄之籌佚老山林終借齒牙之論
屬拘符竹阻造省闕

右丞

賀吳右丞啓

劉子駒

拜命中宸分聯右轄正人既進朝廷之勢益尊大道將與天下
之民斯幸伏惟某官秉心亮直李古粹深常一志於險夷耻因
人而進退不可則止懷著龜先見之明於義也剛挺松柏後凋
之操屬大明之紹服撫羣俊以在朝間自西州公升內相謂輔

世必忠賢在上而順民惟政事為先總正其綱其謀正体六官
成績方注意於各儒万世末圖將登庸於真相

古家

如李左丞啓

龍蓋之

榮被帝恩入提政柄宿儒登用輿頌交推伏惟其官德蹈中和
識窮要妙可大有賢人之華不倚君子之強立乎本朝風采
聞於當世見之行事膏澤下於斯民惟丞轄之近司實紀綱之
重寄果應尚選式副良陪行勸帝載之熙進秉國鈞之重慈恩
可待公論攸歸某限守藩符阻趨賓館欣頌之懷倍万常情

賀

賀單御史啓

石守道

光膺宸綽進物基綱達公論於九重憂聞緇庸亞官儀於三獨
益見寵寢除日初傳輿情交慶切以万機重大既親撓擻於法
官百辟衆多必賴推彈於憲府維時南榻實次中司得賢哲則
自然致朝廷之尊去姦邪則不有懷聞書之畏方宸衷之圖舊
宜宿望之次陞其官識蘊高明悉幽綱大奧李兼通於世

務嘉猷允合於帝心果自副端峻登柱史方共持於國是豈特
察於官邪其濫處郎闈猥通朝籍收親持於竿牘用茲喜於門
嚮風采動一時已致班行之肅精神祈千里佇路朝亮之崇

賀鄭御史啓

劉後付

漢吳黃庭晉班橫榻古所謂法家拂士莫外爭臣今不置大夫
中丞遂長御史著書於下輿論交歸夷狄且日賢者居是戕我冠
叱李義府仗下比日賢者奏劾博陸侯廷中咸肅矣矣一公之不
作去之千載而若存恭惟某官有孟氏養氣之剛有曾子守約
之勇不路一介之助自結九重之知寓者國有世卿朝多私黨
士登光範但知章蔡之恩公立上坡首抗辦陳之跡曰厚俗以
敦慈孝曰公相以杜覬覦然後君臣之分嚴然後父子之倫叙
然後九鼎之勢重然後太阿之權還然後鯁魚於臬府之餘在諸
人易縛猛虎於咆哮之際爲執事難效拜臺端以旌忠直必有
以附明時反覆之患必有以堅凝前日挽回之功蓋三院之

備更風接亢峻由中司而大用典故則然進昌言求扶輿運
其寓叨乘傳尊聽置郵在古靈臺中幸早陪於未至拜延英門
外獨阻賀於太平

（卷四）

賀劉察院啓

前人

漢号楓宸升賢柏府昔飢烏久噤瘖虛我蟬多之冠今鳴鳳一聞
尺雀蜩蟬之響橫流宗社喜動縉紳切以人臣不可受恩於私
門君子必早有善於天下永收責重司諫猶在館中了翁許章
雷州方為博士寧遠作夷陵之役不肯登紹聖之舟故一朝權
拜於爭官而方代仰瞻其名節不圖今日復見若人恭惟其官
充直剛大之浩然兼知仁勇之三君須陪英俊進列師儒委
為臣疇昔非永山之客拂衣去國始終為鐵壁之人外之外服
而其愛顧以美官而不顧目執事為真鴻之幸而諸賢效仗馬
之啼聖斷赫然總攬大阿之柄公言驗矣悔不行助突之謀遂
除繁官俾充前論接競遭時而建策獨思按本以塞源亢龍象

之共陪何狐狸之足問去思如去草勢惟恐其蔓延禽獸先擒
王功有如於雉隙翕然伏第一義之奇偉繼此有數百希之開
陳舊史謂陳如丹青是必本原於仁義前輩云事皆塵土時留
又遠之功名不惟霜簡之凝行見展獻之告其羈孤一介閑廢
半生方寶紹間奇禍胚胎於詩案在端嘉際宋文綺撫其奏稿
及一相之專朝又五年而在野不圖衰暮復乘驅馳良由端人
得君之初以念美駿失職之久忝子駿福星之選愧无補於明
時賡祖徠聖德之詩或可陳於清枝

詞部

賀蔡吏書

趙德莊

益簡清衷晉疏華冠聯兩禁繼結右之祖風摠賦四銓奎元
豐之帝典輿情允稷瑰望俞隆切以八座賈而非貧真居亞
機衡之任六卿分而各帥其屬自嚴銓擢之司惟已試之效則
流品自分必父決之英則名乃正者焉其重允也才誰恭惟
其官慶李家傳懿文古你早應妙注遍歷要途權二板曹著元

和之國計越居盤部揚行儉之能名累千載伯之傳益致本朝
之重尚書之為喉舌優具節貽執政之猶股肱佇願國集其猷
參漕拍飲聽除音莫陪賓客之趨易勝寤寐之意

賀林吏侍

周子充

顯惟帝制權貳天官當循各貴史之朝任激濁揚清之柄工林
歸望從臺增華恭惟其官盛德在人高名映世引其留宿安居
仁由義之心言古驗今富博物洽聞之學卓獨青雲之路寔深
丹衷之知十道恩威肅雍華之重中臺綱轄允效成務之賢
嘉勳績於不昭見遠猷於已試果進甘泉之列隊專小宰之權
惟九流人物之凡必區以別用六典邦家之要將聖而行自非
明一代之憲章曷足付四經之刀尺山濤在晉灼知啓事之公
行儉居唐黜致長名之濫其晚親於內遠托餘光方懷株守之
安莫展厦成之慶欣聞善類得清鑒於揚秋府與蒼生待致和
於霖雨

禮部

賀王札書

陳君聖

簡在嗣皇耀居常伯榮兼瑤閣既謀猷政誤之特親遂直登坡
更号令文章之可述有識交頌不謀同辭切以出難得於全才
人罕兼於數器而况擢舜代夔龍之取擅漢廷賢馬之能擬出
熙朝併當殊渙恭惟其官妙宗道靈雄節文壇早雁所萃之除
父典紫垣之號允屬元帥維時得頗牧於禁中果賢長城吾君置
龍蜀於度外適茲多故正籍遠猷追鋒促還側席馬武儀成長
樂諸侯群臣皆肅恭制下與元武夫悍卒亦感動命更資於審
駿功益著於論思其幸托餘輝欣傳異渥見星辰之覆高華已
冠於高班紀日月之常久太方期於相業

賀趙王侍

翟公異

上佇宸猷中勤書接六聯近綴尤妙選於秩宗兩禁舊游宜真
除於亞旅輿情寄變瑰望愈隆切以商周百世所可知礼固緣
時而制名器一生不能致道實待人而行茲既趣於旋歸果遂

參於述作恭惟某官氣嚴而中裕本家而外冲
特出埃廷之右代言西掖諸老先生所未能將命
使而猶勞三年去國万里還朝惟尔雅之文章已
先進之礼樂富藉於論思豈同叔孫綰絕於陳儀
澤於唐興佇循近制權臺中階其善托餘休欣
方願益履於後參前實亦維將晉陪於揚

○

賀正書

吳子西

竊聞隆宸最厚陟禁塗盡舜代之冠方期於刑措
奉於制除有識相趨不謀同慶恭惟某官神標
練達本朝之舊章洞明當世之先務多皆察臆
才足應機至目前而迎解早膺親擢久列從班
屬震雷之建長果隆華於八座併耀色於九重
名初授六職以至大觀之定令始顧一同茲得
某猥縻節綬阻叩門牆雖願數之亦勤願縻摩之尤

賀史刑侍

范至能

竊從宰屬擢貳秋官監治古以象刑式司邦禁刻從臣而第頌
允豫朝發休声所同和氣自至切以得賢可及亮舜建官尤重
於諸曹致治無我成康措刑宜首於無務匪時間出之碩德孰
贊熙朝之極功恭惟某官毓粹自天研幾千聖濟世之道源深
而流長華國之文芒奕而色正守險夷之一節更榮帶之兩途
上既察於志純時遂加於青荷商官之分六我既籍跡繼北省
之山万機更資考覈美膺殊渥亟踐亦熙豈特取儒雅而勝法
家抑亦積善處而登政路某久瞻英表敢祈餘休第切欣於得
寶阻越慶於成慶維臯圖之淑問已陟禁嚴用方叔之壯猷佇
路樞要

宋部

賀王兵書

張子韶

竊有東掖率屬南宮常伯遷優佩錐成之玉勅司戎我股肱太
乙之

切以祈父王之公牙周蓋專於九伐尚書所之喉舌決於
三公自開內府以本兵第列南宮而分職然裕陵繁修官制
虛位於夏卿至哲廣博采師實如新除於邦無助其方機之務
蔚為千載之隆恭惟才脩全能識量兼妙早以淵源之編發為
經濟之圖權貳憲其憲總憲師之令行越長謀自應告石之嘉猷
蓋益重於熙朝戰事專於武部良星辰之覆姑懸八座之班紀
日月之常即懋三階之盛其晚游京轅奏叩門楹樂享新隆之
頌實倍常情之喜

賀周兵侍

崔公巽

趣觀清光寵膺華渚摠介人之重又屈殿於輔路並祈父之尊
果復還於禁路郵傳四出頌嘆一新切以文昌建六官之懸武
部典五兵之籍然正擬右列自隸於銓曹而亮執中權蓋專於
樞府事設古而既重職在今而獨清是宜帝簡之難允屬從途
之積慕惟氣蔽而中裕休粹而外冲練達本朝之精章固明當

世之大務許身稷契既屢抗於忠言納若唐虞將登贊於盛治
遽懷勇退殊鬱師瞻仙段遂深班首屈於論議神威亦取存
布於教系取聞召節之頗歸奉使朝之對策直除於亞旅益懸
論思時進羽於須幾用宏經濟其猥廢漕計切聽綸旨阻陪賓
客之趨曷勝匪徒之喜

戶部

賀麟戶書

陸務觀

祇奉峻除榮光剝部良義如舊尚熙常伯之班帝命維新全視
大農之政有載交慶不謀同辭恭惟聖人才高絕人器大經世
際熙辰之千載盛華禁者十生夜父星希獨長吏之有憫歲寒
木落惟孤松之不凋蓋誠獻自簡於帝衷故汗擢式付於民望
陟文昌之八座即率屬於中臺煥泰階之六符佇同寅於上農
其符切剖符成甫及瓜但切欣於得輿莫越慶於成廈仰止門
牆之際形于寤寐之間頌嘆惟塵拙訥難尽

賀麟戶書

陸務觀

五廷揚命民部選賢弱五服以至五千輿圖是寄式六官而屬六十從橐有輝几暨速郵翕然交泰恭惟其官高明性稟忠孝家傳鄧氏世侯東京莫古爲比裴公居位四海不謂以親父矣外廷從茲明陟榮鮮藩宣之政進專經費之權貨財本末源流固資餘地朝夕論思猷納方倚多聞少假禁途則梯公路某偶司近郡夙聽新除東塾序賓阻歷階墀之次尺書贊喜徒塵几案之間

工部

賀廖工書

何子固

益注疑旒晉班固履百工皆聖所作必辟創述之才八座非賢孰居宜被褒遷之渥師厯充穆朝序益清恭惟其官有經世之孝守之中深有華國之文將之資厚告猷東掖納王命以回天執憲南臺簡帝心而易地肆佩龍淵之錫宸應鳳詔之除將見技巧維新自元成而鮮及規模更表至周召而乃留由階以陞可拱以俟某負忝石邑早趨倚於龍門通守海邦比拜端於烏

府以傳新命倍敷孤衷頌嘆弘勤編摩罔既

賀錢工侍

張欽夫

誕揚宸命擢貳冬官天生五才蓋謹民彝之用固有六職充艱
藝事之精朝著得人土心交處恭惟其官氣涵剛大行蹈中庸
傳師友之法言淵源有自明國家之大体表裏充遺芳賢業之
時升固貴名之曰起參陪諸彦久從藏室之游幸正天綱式助
文昌之政果由由簡進登高華峻從班於貳師之聯付邦土以
起曹之重將展近臣尺規之益且觀知者創物之能文武可尋
方急備修之效元戎罕及坐期精巧之功其遠託餘光欣聞異
數屬自於符符莫觀贊於嘆成百子繼時既啟其疑之治一
德咸有行據自任之心

內制

賀洪翰林啓

熊子復

簡自心擢廷秀相以詞人之伯而代諸告之言以儒者之宗
而奉庭問之問當典冊所載縻典謨並傳何幸斯文有光

今日翰苑題名自建隆以下時世掌於龍綸詞利焉士由然聖
以來幾身跡於熬熬判兼三美兼絕一時建前後下今開曠古
今而懷有恭惟其官氣嚴而中裕餘慶而外神障古川回狂瀾
早傳正孝流千古空九馬獨買奇才自前於殊科即存敗於
華實記言丹陛得孔氏之謹嚴書命紫垣同漢家之深厚越軌
賢請之柄兼陪有府之籌尉有令名播在公議果親除於玉宸
亟進陟於金奏益局雲霧之函既号私人於內禁曳星辰之履仍
班常伯於中臺克承新渥之隆益紹先猷之美某猥行原隰陟
仰門牆固切欣於得輿阻趨慶於成廈學帝之制黃麻已誦於
縉紳秉國之均亦烏更躋於郊廟



賀路祭酒啟

聖廟綸綍進掌成均當大典之聿全宜寵光之赫渥允協士林
之望蔚爲儒者之榮恭惟某官命世上賢斯民允濟孝術窺天
入之奧文詞摘奎壁之華早爲神聖之知要易師儒之任矧朝

廷之所務以多校而為先令具法嚴敬行俗美丁寧重複炳成
書於日星詰在茲牙追德意於盤詰惟時偉望主盟斯文多士
取正於表儀四方頌識其風采止我泮茆咸歌樂育之恩師辟
柴愚亦無遠之域其羈車牢落盤嶽庸馬隆才不逮於中人
隆性未始於後季重念三川之隱放嘗雁旦后之招陳立國貴
玉帛之光家出負篋來之責方百牖之為病茲拾芥以何功

賀嚴同業

趙德莊

時咨中表典領成均敷教為先蓋京師諸夏之根本誨人不倦
惟席官四海之淵源清議攸歸輿情胥抃恭惟某官稟資渾瑩
体道精深迪知九德之純言斯可法貫穿六經之奧傳所未聞
比納冊府之書旋訂容臺之礼討論故典聿觀四部之新顯設
慶儀不待百年之久乃眷賢關之重載進雋望之求特為君子
之大來天俾斯文之未喪矧當漢室橋門之盛又孟周官師氏
之尊崇化厉賢將啓太平之兆回心向道固非俗吏之能佇咏

正座之臨制有得與之慶其論交獨得取庇方余仰喜陽公告
諸生之忠孝居衡蜀守除弟子之更縣莫陪少知賀之塵徒結神
馳之念

帥司

賀范師啓

李成季

光膺嘉命更鎮雄藩要養利源適秉輶於東部統制方面速握
節於西州在君子之時并宜天下之同慶况吾屬郡民切權宗
頤惟安化之河閩實執昆夷之訟督苟知其策則矢石不試二
失其御則疆隅屢驚必資忠智之臣以副朝廷之眷伏惟其官
家聲著代出德在民阜有高明之才夙懷康濟之志輟從禁從
暫守節垣人蒙奠枕之安國賴長城之固避子亭之坐可想遠
風立棠棣之碑何斯在蜀此還闕寄入賁家司其限守州符阻
越鈞屏云云

憲司

賀任憲使啓

張安國

近仙閣錦帳之旌青輦輝於列宿簪使者繡衣之榮公托莊於

二天將祇奉於教奈敢敬馳於書牘恭惟與官奉濟精粹德秉
純全素即清規表儀於鄉黨開猷深義麗色於朝廷容望正絕
札之訛憲府極繩近之效力行荷蒙之拜俄交蕩即之行千里
上游暫者平反之喜九閔帝所即期趨召之歸某志竊開憂
經歲蕭躬畊下澤徒瞻時於光躔候守偏州乃寢於陰機所冀
少寬於程督庶將自力於拊摩

賀

賀將守啓

王介甫

拜命徽章陞榮北省伏惟慶慰切以上大夫爲內諫漢權忠良
府李士統要藩唐祇優顯迄宋兼任非賢不居恭惟某官天与
粹溫岳儲靈哲夙抱經濟游天子之彤庭首見推明爲士林之
高選斷自躬以自處伏大節而不回名動一朝官歷兩省望之
補外理固非宜陽城拜官賀者甚衆上方圖任夕有口書某展
慶未遑抃心切庶頑言沉冗將幸坯陶依戴所深翰墨難致

賀李守啓

鄭伯仁

仰瞻鳳檢下綸綍於九重來鎮虎城作薦薦於千里先聲所暨
公議彼歸間出才猷際天器識推經綸之素宿置朽用之踐更
時散數以厚生投刀若若謹軫軫而歸懷慨然使節爰持
守符存剖豈第素收名望公忠自結主知章貢澄淸暫作鯢魚
之主風雲際遇佇參鶴鷟之行某自顧鄭生尚資鴻庇窮途安
往曷更足歸雖无三語之能賴有二天之托依美藻而泛綠水
晚進何堪披雲霧而覩青天此生何幸望塵伊迺引領尤深



賀王倅啓

李子西

詔下目邊渺聽疏息之渥邦臨湖右咸瞻半刺之榮光輝縉紳
謹導道路恭維某官行應人傑才林出師情節照時注玉壺之
沈澹高文華國重金燕之琳琅暫淹展翼之馳終割佩刀之贈
无施不可所至有聲恐未及於下車已別聞於出綍某願斯獲
庶謬館銅章比從郵報之傳亟動心旌之喜晉鄉爰日將隊借
於恩光少室景星行可期於快靚江鄉歲晏門館天遙倍希遲

繕之宜益厚穆清之眷茲爲抃頌无以喻云

賀楊桂官啓

宸廷錫命藩府贊條凡与見聞率增欣抃恭惟某官德靈挺遠
器度端方得岷峨之秀爲最多養江河之源而有本身若居於
常布孝心務於經綸果以謙言親蒙睿擢今既同爲夢得用文
詞而取甲科終必如范景仁簪風節以名天下自是朝廷之選
寧容幕府之淹綠水紅蓮耶借途於鄉社青天白日行旅翼於
雲隨某比屬還轅幸承傾蓋良遲何取猥荒推同道之先誠翰
遠臨更俯執下官之礼得見情文之厚豈非声氣之求



回陳教授啓

王志大

順流而下東海曾獲望洋拄笏而對西山將聞致爽適茲馳想
遽辱貽書伏惟某官懿壘雄文卧撫逸韵不事一室寧爲有用
之才將出六奇以佐太平之運暫采芹於絳帳即分燭於青藜
某碌々尸官拳々慕慕葵海蒙作噩之歲曾繼面於荊州而單

闕執徐之年復同徐於士會永言欣幸莫罄數陳

賀游教授啓

張欽夫

疏息北闕分教南邦出御史之名門先志已著群諸生於泮水
講席方嚴恭惟某人文采蜚英豈第從政蓄於平素既已致遠
爲心見於施爲常有躬行之實念此都會夙多俊良正資教養
之功庸抵作成之盛識其大者宜誦說云乎哉何以告之亦仁
義而已矣其一遠風宇三易歲華竹間徒御之臨首拜詩詞之
厚自愧短翰莫報塵渠即聽令名少慰孤陋

賀張宰啓

賀張宰啓

張宰

嚴擇剛辰已詣視事輒憑柔翰因展舊儀惟宜弟之素聞想吏
民之增喜恭惟某官天資渾厚人品高明郡縣多所踐更名實
加于上下承宣雷地剿裁姑試於牛刀騰踏雲霄簡注行膺於
鳳詔某切叨郡屬忝與宗盟披晤行軒既獲應於傾向欣承交
印得暫假於依歸瞻頌惟深敷宣罔既

回孟宰啓

愚元通

行臺被命望邑永流豈弟有聞吏民胥慶恭惟其官李侯製錦
道裕鳴絃政未及於下車民已深於引領屬茲貳郡喜得賢僚
未遑尺素之修先辱長緘之貺內惟覩愧仰認謙勞

回戴永啓

熊子俊

一行作吏綠節皆儒雅之條再轉爲丞最取必清真之善何先
貽於尺牘庸少叙於寸懷恭惟其官仙韵濠清神標凝峙氣浩
然而養之以直望儼然而即之也溫雖六月之鵬早上於搏搖
而百里之鷺常栖於枳棘高才荐屈姑臨鴈鷺之行大器當升
旋簪鷺鴻之伯拱而俟耳誰曰不然其猗以哀齡謬當劇色騰
書雖上許呈身集鳳之堂代者何遲尚糾迹飛鳧之舍敢嘆瓜
期之度但欣蟄陰之依予不負丞三員子君誠自謂我匪求蒙
蒙求我悞願相資聲雖成文言莫忘意

賀張主簿啓

賀張主簿啓

元子俊

一行作吏備負方塊於哦松貳政得賢庇賦獲熙於枹鼓車塵
在望私分自策台命寵光感悰增懼恭惟某官聖博以約德粹
以溫翠竹碧梧外想威容之閑雅責大白日中涵氣質之清明
合摠經濟之才姑領公箴之戒暫閑簿書之冗免從會計之勞
蓋將托宿處戶行且騰芳楓陛謂百里豈大賢之路吾嘗聞之
被十行皆細字之文子其然矣其叨塵末路謫改負承初考已
書寸功无補徒有窓中之愧曾先善從之圖同舟而无異心庶
我可濟會績而借餘燭更賴分光

謝

賀沈縣尉啓

趙德莊

擬自銓曹掾于山邑協佐鳴絃之化式資綵棒之威先声既傳
公議允屬恭惟某官根經衆孝貫道絺章中蘊氣以浩然外騰
声而藉甚蓋即登於儒館猶須試於尉傳吏隱吳門尚晦子真
之德盜奔晉國已收士會之功某猥服令曹嘗疑英傑欣尚依
於華陰愧頑狂於珍函

事類聚翰墨全書卷之十九

庚集

新編事文類聚翰墨金書卷之二十

東集

添官職門 文類

啓

謝除中書啓

後村

塞垣章檄嘗論管輅之文述後演綸忽有變龍之跡懷材至矣
量已缺然共惟二字之褒榮於一佛之出本朝有大詔令事新
當世之觀瞻天子用老舍人一洗斯文之卑陋所謂當仁而不
讓夫何有大而能謙發非其倫或得以議伏念公粵從少日辱
在下風墮地苦寒共被德澤城之折江風甚惡暇輒登瓜步之
舟雖云鵬鷖之偶同俄難龍首之相逐我生白木銕已為農圃
之婦郎對紫微花自有仙凡之隔况託室久疎於書札乃公車
忽上其姓名冒濫就梓匠之規欲使代玉人之琢行人子羽東
里子產仰辭多之獨江翰林主以子虛客卿必才名之相將乃

若君師昧在之隆慶如舊舊奉心之好維欽濟之風失抱空
空之愧效蓋伏遇公官又根理義孝沂本源謀國事時特著
愛人材過於珠璧謂按示而進適君子之道身儻伐木不歌
朋友之誼缺因同袍之一念借筆交之丘言而公舊聞統新
意絕少立馬揮制難希作者之餘風附驥顯名徒有平生壯志

除中書舍人謝永相

平齋

歲星之犯執法猥干憲府之誅帝座之拱紫微繫玷詞垣之選
觀君相之深意知乾坤之厚恩切以為治莫重乎紀綱之張用
人尤患乎意智之轉捩宸網君子之言遂長之郡兩來小入
之志斯達歷考往鑒無忘焉要公愛種其絲絲心平乎繩
直歐陽余靖列在四諫每懷聖德之詩王衍憲袍合為一人欲
著辨奸之論適改政而更始偶獲筆以居先議論不足以登鳳
凰之鳴風力不足以快鷹鷂之逐第潛觀於機括慮或撓於規
模景祐一不肖之文大圖博遊熙寧二舍人之作孰効鉗槌去

根秀所以養。柔雅柔艾所以護。空皇燭燭一擊。振觀的驚。或
疑面前行路之未寬。或怔袖中彈文之大阜。勇為國司。笑服身
謀。奉帝敕而傳。辟彊之符。何難。魃鬼仗佛力以運金剛之杵。目
可降。覺雖聞。隔於交章而臺院俱成於退舍。彼奸既折。此
志還伸。立五花之樓。用軒眉於旬浹。舊公飛之。踰。腰。蛻。骨。以。須
史。黜。轉。而。升。榮。忘。其。辱。茲。蓋。伏。遇。公。官。吉。道。低。狂。斯。文。津。梁。經
直。諫。如。玄。齡。之。佐。唐。去。圖。封。如。魏。相。之。囚。漢。謂。保。公。直。類。必。去
敗。群。之。羊。而。修。明。大。公。何。愛。弱。并。之。拘。雖。真。猶。之。殊。氣。培。批。李
之。深。根。俾。京。尹。授。館。以。便。留。計。詞。臣。辭。闕。以。見。處。宣。照。餘。安。集
危。踪。續。斷。紅。芍。藥。之。吟。莫。知。新。塞。占。澄。碧。琅。玕。之。夢。忽。托。生。成
搖。蕙。輪。因。在。摩。罔。既

崔師薦卒

平齋

子來幾日。甫尔依紅。我有二天。居然破白。惟屹立於世。方精。實
之表。故內望於人。不此。數。之。中。行。故。辨。真。歸。恩。文。希。切。以。人。才

由江左而降幕客在荊南。多韓魏公得王金陵而不及賞。有
牛奇章薛杜書記而未曾推轂。遂令憤慨。尚見前聞。公讀書不
多涉質更淺。方其始銳。自謂五石瓠可剖。以爲博洽。此中艱乃
知六州鉄猶鑄不成。錯以舟行岸移而閱世。交以霜降水落。而
知物情虛隔。浸平剝蝕。漸復舊觀。非吾願。未敢云然。負賤王汝
成。容或有此然。紛三。成敗之異論。而咄三。炎涼之易情。不圖一
皆之。終。豈有終身之托。技從食客。列在舊僚。歲寒東閣之梅。結
根已舊。春色平山之柳。成陰。方新。廣平下座而揖之前。相如未
至。而淮諸右使无地。主誰破天荒。茲蓋伏遇公。官功蓋三。腰眼
高四海。論材以相馬之法。觀過於奪牛之機。得一士於河南了
无責戚之命。空群良於冀北。惟有山人之嫌。共驚。驟按之殊。誰
識。幾。楚之早。五更進。履。已。是。會。公。半。夜。傳。衣。不。容。放。手。故。於。落
落。難。合。之。會。而。有。沾。沾。自。喜。之。榮。上。下。四。方。尽。是。依。劉。之。地。始
然。一。節。敢。忘。在。呂。之。時。斷。戴。天。探。編。摩。脚。略。

閩憲謝丞相

後村

白髮奉親安於綿隱皇華遠使榮其綉行尚非大臣之育材誰
念小人之有母強願承乏稽首歸息伏念公爲著遠來出於葵
薦由任子錫紉第若隆恩寵務勸之時不旬月業藉書用元祐
待東坡之事僕无他謀巧以遠化公有力量以成方奎國
勇於去凶而軍觀其謝事詞臣援慕叔厚請慕楊老禮之好言
者疑曾子開元姦族新州之意孤明主殊常之遇累節臣平昔
之知一自浪藏數爲啓擬盡約去國至煩上帝之下招禹錫得
州難強大人而俱住遂進隆名於中秘自陳臬事於外臺庭闈
直而加餐漸并託其刺見叱馭爲忠臣回軍爲孝子慨兩全之
實難被事者刺史飲酒者故人要並行而不悖服勞伊始傳命
是憂茲蓋伏遇公官亦鴻之歸方新緇衣之好尤篤溫公除吏
莫榮子駿京東之行文正恰才不摩大年陽春之志恩倖外翼
輒幾皇輿公敢不來國風靡王反幽狂論拍蜀道秦都相如之

請回自渭濱不无往老之恋

除衆政謝兩府啓

歐陽公

龍垂宴而並至恩與愧以俱深和袞集從玩指无指伏念公稟
生孤懦賦管迂愚力微非致遠之材幸陋无適時之用徒緣士
類早借稱揚幸會聖時過加獎擢既叨塵於侍從遂竊與於謀
謨待罪樞庭顧无功而可錄倚負政府用累日以叙陞豈惟致
寇之虞公遠曠官之銷此蓋伏遇公官心存本固道廣濟時請
庶政之交修必群材而博取誤如品目俾沾光靈雖實拙之无
知豈忘感効苟疲篤之可策尚冀清建鄙訥之誠數陳曷罄

除樞副謝執政啓

前人

叨膺聖選輝輝應運命已行情謹匪敢伏念公孝非稷與才
不逮中仰爲皇朝張靈旆士抱孤忠而自許願獨立之易危切
比古人每嘗嘆其幸福有公當世從自愧於衰遲雖策効之愈
勤信及能之公歟久尸軍謀迄无補於高明參之方州冀謝

於退縮期誤聽以及匪材此蓋伏遇公官協贊大猷明宣風
化為時柱石持物權衡急於難才過及庸望弟堅一節力勉不
能上對聰睿之知次答陶鑒之賜

除右書謝兩府啓

祇奉詔書入司邦計力微庸重慶與愧并蓋厚民憂急於理財
而為國難於節用天下太平為已久海內生齒益以繁太平
久則浮費多生齒繁則資產薄其為纖悉至微之際亦難出入
謹視之防故六曹設而戶部為國司公座之重而地官為要職
宜有通習該洽之妙選以副任用責望之至公如公者雖少壯
精力之時尤不敢任此豈氣血衰邁之後固未易當之細思其
由厥有所自茲蓋伏遇公官大賢庇物厚德包荒陰為左右之
容曲借齒牙之論故茲庸朽存存任任於維維分量材粗識古人
之志而辭難就易恐非國士之風願於辭避之間莫克進退之
所以戒塗匪脫恒命而前數中閣之嚴瞻徒有門牆之志望厚

還於柄用未為邦國之光

除內翰謝諸公啓

東坡

初奉寵良權居禁近任逾器表愛與愧并內自頤於衰遲宜退
安於冗散豈期晚節復與英游此蓋伏遇台官德配先民望隆
多士至誠樂與共惟人物之評雅量兼容曲借齒牙之未敢效
朴鉅亦踐高華方修簡之未遑遽移章之見及其為感佩難忘
敷陳

除郡謝宰相啓

劉共父

左戎居中莫匪將父抗章請外乃使為邦循牆致開命之恭捧
檄有逾涯之喜伏念公性資甚于孝術非長蚤陪多士以進身
久逐四方而糊口青衫為吏耳分簿領之勞朱印橫經謨宰師
儒之望焉切廷博之忝間絲綸館之屬屢忘菽水之艱勤敢意
旌弓之招聘會大明之繼照開數路以求賢二大臣猥借齒
牙之論尺寸餘地許瞻日月之光方當待罪於周行俄俾負丞

於舊籍及瓜期而集眷闈咳而動心父子相須去留未決陳不
能廢遠之誼輒効前人歌无忘長育之功終憑景治假以專城
之寵寬其負粟之行況此蚩江寔為名郡臂是鈐刀之未試豈
容符竹之濫分取熊掌而舍魚鮓敢懷自擇安波汨而捕鯉所願
不違仰繫大造之難量府念微軀之莫報茲蓋快遇公官應期
佑聖同德享夫裁成輔相不顯其功用舍行藏一歸于止裴晉
公任安危之寄難從綠野而自娛謝太傅繫囚替之時果為蒼
生而特起宸極不移於阨柄褒厚益峻於岩瞻肆覃忠厚之風
首振滯淹之迹省備僥倖終始遭隆公敢不夙夜為期青成異
日進之以礼退之以義寧薄蓬萊之居始於事親終於事君未
恨長安之遠

謝宰執薦奉啓

三月報政曾未有聞五最論功初无所取駭褒章之溢美頃小
已以增慚伏念公智不足以通大方才不足以周事爰一官補

外監陪簪笏者三十年積歲平述叨紆印綬爲二千石豈有飛
揚之喜可當特幸之知此蓋伏遇公宦輿德恢宏挺才懷璋惟
蜀汪清渭自置於胸中故片善寸長悉收於門下聰明所照妍
醜畢分致茲頑疎亦預采飾公敢不駘馳駑力龜勉蓬心俾因
憂民一遵於寬詔赴功又事謹奉於新書上酌委寄之私次答
獎伶人遇

謝札侍薦奉啓

春伯主盟方廣搜於雋茂月卿傳諭將并錄於陳庸惟戴惠之
云初豈控枕之敢後切以賢人引類必有爲鄒木之容賤子且
陳乃預得季金之諾事誠希曠衆爲歎咨伏念公少孤多奇晚
仕寡吉掛微官而獨冷溫故業以自娛九仞之筍猶古猥居
格百丈之尖如合庶脫選坑此蓋伏遇公宦李造聖我
務中夢典札制深刺於六經內禁代言文遠同於三代簡注即
登於弼亮薦楊靡間於公微公自珍好音弥激儒志方間廣

之庇方與衆以均權一言華表之褒賴及今而蒙寵

謝上司薦奉啓

伏仰聖情方切州治中之祿闡朝薦口設應部刺史之知深愧
素懷難逃清議雖至公无私於謝然此心敢負其息切以朝廷
以外任而匪輕監司於此官而尤重既送之以礼榮光華之遺
復之以郡恩莫參之權惟毓統方廣其聰明故絲綸載頒於旨訓
謂穎川之治莫長於黃霸而海沂之康故賴於王祥欲其擇今
日守倅之賢有以備將來牧伯之選以類奉類蓋國家有意於
甄陶惟賢知賢在左右宜公其藻鑑將厭輿論當求實能伏念
某論墨非長器局甚下閭鄉類試監切臣名殿陞決科僅償壯
志薄宦初銓於捶撻孤踪久困於塵埃賴慢雖成豈不堪上官
之拜清白自許安肯從俗吏之非詎面華表之褒何啻犧樽之
飾靜言虛辱若有伯緣茲蓋伏遇某官模楷斯人推挽後進拔
茅連茹而彙征以吉因雲灑潤而分澤以流臭味則同固不嫌

於草木枝葉可采諒无弃於非封豕使尋庸載叨揚勅其敢不
益修身檢敬服官箴桃李无言終有成蹊之慕桑榆雖迫亦知
晚景之收尚未顛躋敢忘報稱

謝監司薦峯啓

初夢累罰將欲去歸豈意交章更形褒薦受知越次負愧竊寧
伏念其賦分奇窮稟生味陋幸承閎闕亦綴冠纓惟超時不達
於交通故應物多成於抵牾勉循三尺監分符竹之權僅守一
官可謂斗筭之器誰爲汝引敢冀騰驤此者伏遇公官理識絕
倫声猷跨出長趨闊步孰爭万里之先大論高文自出一時之
右肯憐孤蹇曲爲播揚公敢不誓立清名堅特素守雖錐刀近
利無補于本朝而尺寸微功自期於他日庶幾始末不辱高明

徽州到任謝執政

龍溪

謨膺明詔擢領偏城地接行朝蓋今日股肱之郡出聯編籍乃
平生父母之邦起發恩深叨榮愧甚公一從去國十見周星殷

亦異州誰復過門而問字疲精斲簡徒知仰慕以著書敢圖三
錫之餘乃假一麾之使遵塗夾日入境旌春城輿重來疑千載
去家之鶴交游半在或一時同隊之魚浪省惓然曷爲臻此惟
燔木離奇之爲器自大鈞決此以无垠茲蓋伏遇某官間世真
儒中興各相坐籌惟慘收四方人物之英烈委廢堂後万里輿
圖之舊府怜衰朽久事退藏爰力挽於江河俾再臨於民社尋
童子釣遊之處雖就榛蕪望先人丘墓之墟已寬夢寐幸上思
之粗慰宜民懷之深求某敢不專務扶循仰分憂顧寒惟問俗
姑榮衣錦之歸上印還家終冀揮金之樂

謝李礼書圣自代

鶴林

候周太史甫隨關尹之迎典舜秩宗忽被伯夷之遜獲一言於
寢衮增百價於弊裘自視微然莫之避也切以圣代熙朝之彝
典薦賢往哲之盛心文章當避子瞻歐陽所以作津梁於後圣
公直不如程顥司馬所以爲柱石於先朝自諸老之收声貌高

風之誰嗣啓文秀於花洛錦茵之後鼓希音於鳳集阿閣之時
豈伊陳人集是一美伏念其之才不敏所挾甚迂貧无鄴侯挿
架之藏空有董子下帷之憤六年造闕粗裨諫草之愚四戶聯
曹安得筆花之潤脫腕演論之陳力何心筮鼎以占祥曲荷眼
青特加齒錄許血指代良工之斷悍蠶眉効西子之妍筆端黼
黻之增華朝列縉紳之改邑以天下之大老婦也曾不伐而不
矜於鄉人之善者好之乃相推而相引第虞晚滿難踰耆英茲
蓋伏遇其官奇々三代之現詞諤々四朝之謨論父作子述皆
石室金匱之書第後兄前連紫極丹弁之選雖地位處三塗尊
之貴然天挺无一點色之驕美暢坤裳罔々乎不可尚曩征秦
茹休々然如有容至於宸告之猷亦及子虛之賦其敢不服膺
乃訓實踐斯言游夏之替其詞固莫助春秋之筆房杜之遜以
直尚當獻日月之忠

族長沙之星漸叨分闈望以遺令喜在鳴珂已脂轄以首塗
亟擊戩而抒敬井淮其後輪困風季絢爛文紅錦綉袍者匹
掖登坡之上紫荷素在屬軍豹韋之中須飛霞鼓弄明月
方啟作郎祀之可以粉飾礼樂抑且規帝王之制而裁成典墳
忽觀蒼狗雲天付黃梁於昨日詩畫之散鴉舌天令變於
姪偶吟詩落烏蠻人競傳於款乃騎鯨故去跨鶴俄還功惟
平生亦作討論之功實得前日寬閑寂寞之力崑崙碣石細箋
言貢之山川鄉遂井田增釋周官之制度已驟騰於紙價頗傳
習於經生向使黃彝紫闥而益顯其身安得玉珮瓊琚以大爲
不朽始天心之有屬豈世俗所能知舒卷隨時寧久篋中之團
扇論思有詔即還座上之青氍毹以肅才存膺重寄繼常侍
湖南之詠自顧非才聽任公力下之規願安永教

千求

出軍還役方吟洗甲之詩計簿見疑乃有賞金之責此生此日
惟公惟天切以黃石談兵無賞豈能得士孔門治國散財斯可
聚人任危事者異平時圖大功者忘小費陳平用間盡捐四萬
之黃金季子合從豈止一雙之白璧上不問其出入之數下得
伸其鼓舞之權故能離敵國膏腴之臣終於滅楚連異姓兄弟
之國足以弱秦洪惟仁厚之朝善用英雄之士羣臣分鎮州郡
之粟可移百里皆以府庫之藏不惜昔我亮考其公先王富輪
臺悔用兵之餘以淮閭礪復離之志捐期征伐誓還萬里之封
疆傳檄招徠盡致兩河之豪傑雖仗義而有感豈吝財而可為
想盛時不計分谷之微故忠臣得為社稷之計孔明不死雖復
誤以何難召虎再生此與周之有望誰謂武皇虛耗之日頗有
秦季督責之風車轡馬蕭蕭誰恨捐金之晚弓明矢館即平上簿
之欺始因一二事之可疑併與千萬人而不信為父推子虛不
痛心以君使臣亦必有札伏念某承家忠義賦性在愚參中原

文獻之傳頗知衣節得安定射用之孝不事空談辛苦兩科棲
遲戎載流第讀興元之詔血誠起雍丘之兵請朝將以勸忠宣
幕因而假寵非有祖欲千人之廩又無張巡百里之權用官券
能幾何得義士以萬計戍兵絕餉間逢子敬之指困大姓假錢
多藉軍師之作保方狂虜入清江之境以孤軍守臨汝之城悍
將武夫固有坐而觀者監司太守幾欲委而去之乃以三州責
之一士賴元勲再整乾坤之力使內地不見師旅之勞豈期全
軀保妻子之臣皆譖人者不念援袍先士卒之伍將屬子乎謗
言來自貪夫具錦成於爾列胡銓義旅似蒙騷動之疑宗澤猜
兵竟以飢羸而散猶幸坤大臣之容物有如秦君子之包荒未
投光範之書已拜明綸之渥真為知己豈但感恩其奈何司無
宰相之公心有負裕陵之訓本朝廼胥吏之天下果如同父之
言忽傳羽索之甚嚴不曰會計之已當千金而募徙木將取信
於市人二郊而奔干城豈可聞於隣國况子文之家已毀顏氏

之瓢羹空慈母忍貧久闕南陔之養室人徧責何止北門之憂
可憐平地之無銅安得上天之雨玉強為師說誰資弟子以乃
鐘亦有誥身不直將軍之一醉興言及此撫已知危主尔忘身
公尔忘私願盡為臣之義寒不得衣飢不得食亦為賢相之羞
茲蓋伏遇公官忠孝通乎神明度量包乎宇宙平生孝問惟韓
范可以齊並不出功名雖伊周未能遠過不以春秋而繩臣下
每用皇極以受人才使稼軒之帑發空無辭于罰若師督之錢
公使當辨其冤萬形有弊而推理誰磨一心合天則何事不濟
矧小人之有母尤君子之用情誰能怜措太之窮賜之千金不敢受
北軍之賞還以五千特在出尔反尔之間即為生我育我之造
元金具在悔不如莊子之明璞玉猶存或可效卞和之獻

于丞相迂除啓

丹衷激切夙懷知過之憂黃閣深嚴莫遂趨承之便弥極朔風
之哀敢稽修敬之勤恭惟集官星斗垂文乾坤鄭皇膺五百年

名世之傑張九万里南溟之程經綸四海而無所不長酌酢壬
變而未嘗或屈大節凜凜而可畏宏猷綽綽而有餘懷堯舜之
道以致君耻威文之爭而在己朝廷由之為輕重天下係之為
安危自登槐席之尊益注楓宸之眷謀王休而斷國論熙帝載
而代天工坐隆兵寢刑措之勲益致裕阜民安之效羣才登用
庶政修明一陶晏粲之期永輔盈成之業明良際遇載贊虞氏
之歌聖賢相逢願繼王孫之頌切念其材猶擇操景迫桑榆一
官奔走於塵勞七任沉迷於簿領退有帝號之迫進無左右之
容栖一嘆已之未逢落三古世而誰合高山流水竟乏知音白
雪陽春終無寡和幸遇大鈞之播物况開東閣以招賢既久托
於悵懷當不忘於操履心同固轍願歸滄海之波亦類寒交觀
沐陽春之澤

于丞相復官啓

滕子昭

勢陷井而望蓬瀛變隔滄浪之水乘浮槎而犯牛斗幸瞻上相

之星慰三十年仰止之勤忘數千里示然之役既遂移旌之顧
政修執雉之誠恭惟某官名臣兩儀功存九廟德業聖神之佐
孝術帝王之師自委寄而策名每愛君而憂國當先朝之極治
知黠虜之可虞時屬多艱天降大任起應雲龍之會親扶日月
之光衮衣繡裳備三公之典策碧油紅旆瞻上相之風稜慶在
一人重增九鼎恭惟某官道兼文武身在安危回日御之再中
幹斗樞而獨運已斷蚩尤之肩臂請棄玄尚之頭顱思定中原
誓平狂寇舊身犯難擲風沐雨者五年決勝運籌折馘執俘者
萬計張尚父鷹揚之氣性敵人虎噬之心若堂上之兵不嬰其
鋒則關中之利已非我有顧猛虎在山之若此乃飛鴻薄渚之
謂何爰命召公尚期疆理於南海降予伊尹又約左右於商王
其夙倚門牆晚蒙陶治假以兩路督軍之檄脫其一家垂死之
軀豈期流落之餘生復聽端婦之新詠屬以深居若壑自遠光
塵馮諼之出無車原憲之負見肘蹇馭肯借尚乏於東家推子

候歸更迷於前路用莫越於台席結轉敷於蓬心遐隔海鶴之
姿共覩風雲之會衛武公入相曾無錄竹之篇仲山甫永懷但
誦清風之句

干社察察追索書板落

墨山

布衣命薄忘繡梓之群書絲絲等威行還書氈之舊物誰詰季孫
之賞盜親逢魯國之真儒吾有二天公如十日切以万形有弊
長存道義之名千古在前進泯詩書之澤微若書生之議論上
関天運之文明秦火無遺不焚御府之六籍蜀寇已慘尚留石
室之九經未聞孔孟之徒不勝跼蹐之煢造化必能爲之主神
明亦自有其人伏念某才愧雕龍季茂刻鵠諸老文章之印頗
有傳承三代金石之碑亦嘗編集柰五窮之難送慨万卷空蟠
忍尋活計於錐刀寧問生涯於疥匠簡无編竹似有益於國人
書既同文願廣傳之天下豈期狗尾尤甚豺狼衆於三篋之盡
亡彼得五車而自喜贖以金而不許毀於橫則可愛凡爲蜚藉

之民持有通逃之主仲塗印昌黎之集自知不免於貧唐僧失
蘭亭之文恐抱無涯之戚不逢大造何有餘生南山之判傳
符澤之姦大窘漢除廉吏盜牛即日而來歸曾有素玉竊玉踰
時而書得兩載懷亡弓之恨一朝喜去珠之還緬思西蜀之先
賢起敬拾遺之有道物皆吐氣恨無數千輩之使君士盡懽頌
願見千萬間之廣廈當日未酌於素志老天必啓其後人此蓋
伏遇某官草堂嫡孫闕里先賢襟懷洒落光風霽月之無邊志
慮清明秋水長天之相映自道轡登車之後有溯川獨航之心
正觀豈無謨謨孰若如晦之善斷慶曆固多按察獨稱杜杞之
長才不惟山岳之動搖自齊乾坤之軒豁蚤更不變吳當受罰
於春秋文獻足徵宋或可言於殷札凡一丁一奪之際皆衆好
衆惡之公治鑑可垂之無窮儲家各傳之不朽幸斯文之未喪
知我其天喜吾道之將行以公為命感激辭源版衣心長

干執政薦舉啓

關黃扉而熙方類雖後陶甄於華藻而被群材敢希題品具輸
悃歎登微崇嚴切以國家端出治之原宰輔之責能之責入則
垂紳正笏日謁帝以進賢出則濡廣刻章歲限有而薦士維中
外之同休共推揚之一心凡借齒牙立生羽翼曾謂怒駘之賤
妄經章樂之前如某者材謏命苛地寒族替弓台淪其喪之緒
鼎儀隆閣閣之傳顛蹶窮途侵尋半世原念登門之始亟蒙下
榻之知時際秉鈞哀深陟岵適在幽隱之地莫逢造化之功墻
角殘蔬自絕阿衡之鼎海隅斷梗空瞻傳說之舟繼請字民庶
諧將母逮甫成期之及會新遊選之嚴端執里居已更六載湯
階京秩尚闕四章在行道以猶矜矧趨風之有舊恭惟某官爽
邦碩輔命世真儒闢洪烈於臯夔統正傳於洙泗建牙藩翰暫
均剖竹之勞推轂英豪罔替拔茅之志倘矜鎖陋當辱記於賜
之顧盼之隆假以扶搖之便某謹當鏤膺載德銘已知恩是日
崇墉獲廁登龍之列異時大治願為附鳳之階

干上司公庇

長榜書名誤玷掌筭之聖遠方隨牒第深懷祿之情豈不堪拜
揖於上官將以受約束於下執切以難莫進乎使之為宰能不
能者皆自其人野王之請試長安許恭而僅理宋已盤根然後
別其器朝歌有意於除安美猶不可為之藥委用惟求於治劇
雖事之繁簡或異亦材之大小不同其誤者青袍盜紆墨綬不
能操刀使之製錦未嘗登車何以獲禽僅若洛山陽以尹應孫
焉可治都昌而化豺虎第綢繆而結果徒奔走以抗塵河陽騁
一縣花滿安仁豈於微官而敢陋彭澤為五斗粟陶淵明或以
小兒而見羞矧亦置之際未免隣城之嗤而退進之間或遭官
長之罵誰為之地賴出其門茲蓋伏遇某官氣養之浩然道識
其大者振鷲鷲之翼而騫翔要路垂虹霓之光以熠燿清朝我
馬之維駒維麒維駉維駟暫在咨詢之間其崇之勿勿伐勿敗
勿拜將形聽斷之恩賜環行補於公卿推轂未忘於官屬其敢

不班揚明令故服常箴惟孝道切慕於茲歌而奉法願究其藝
策獻梅花之賦敢期真指之標誦木也之詩願皇厚報之應其
爲欣并曷既敷陳

通鑑

寶見

贊見省官啓

周元駒

執鞭而慕晏子夙懷景仰之誠通家之見李膺宋隆瞻儀之願
欲布腹心之蘊敢修咫尺之書恭惟某官代宗儒三朝元老
尊主庇民之術本自得於詩書憂國憂民之忠獨上觀於日月
當二百載中天之運正二千年際會之期精神會聚於一堂特
沮折衝於方里稟平艱難四夷之氣慨然西掃九朝之心天之
降祉是人夫豈苟而已矣頃之將發也命則可卷而懷之忍阿
狎以取容乎凌巡而懷去謬言而發傷纖錦之易成斯文在茲
欲毀日而安可浮議不攻而自弭大節欲蔽而愈光身雖落於
江湖名益尊於星斗仰容光之必照終負觀之聿消謝公客起

於東山申信暫廣於南王五侯九伯已專銖鉞之任一日乃幾
即正鈞衡之任伏念某材惟極陋命以數奇師安斷摩初未能
半表豹之孝宦游數署固已萃三王尊之身幸郭公五十前之
可耕況家藏三萬軸之猶在將以奉親之餘日退然挾策以自
娛若夫功名敢懷僥倖重念所斷之業難能克復之業崇緒已
衰誰謂臧孫之有後門墻在望自必松紹之不孤惟望德无愧
於古人而高誼表出於流俗庶願前人之好賜以抚存庶幾不
肖之蹤永有依怙秋令既杪霜威尚嚴願於饔味之間益謹深
綏之福

賀見降官啓

林琦甫

占我共理惟良千石請貲天子之得賢選賢而見在列云
十人復直東侯之持士漫刺授于於曲陽知幾乃玷於記曹散
慕益崇游揚无已恭惟某官氣剛以直智遠而明聞高北斗之
一人榮耀東方之千騎兩城風月猶記平分溥海溪山盡延福

試清香疑於懸帳高春坐於餘齋秋夜南樓月亦不淺蓮花綠
水人以爲榮新成桃李之蹊馬在桑梓之國幸少直明府之監
試靜聽賤子之陳嗟今之貧爲世所擠出門笑長安之樂去國
從太宰之游十六年朝華暮落獨無嫌於窮鬼五千卷撐腸壯
腹切有愧於古人已耳白屋之下流豈料青袍之盛着對策決
慚於却桂牽絲猶待於齊瓜願生涯長付於隸書之中念伯好
詎忘於僥倖之後自第伶於寒賤誰同望貴姓名效幸承地主
之恩遂環造門生之列龔黃之政可以比願事大夫之賢周孔
之徒何其多敢爲刺史之後

贊見教官啓

唐清臣

威鳳景星已快爭先之觀泰山北斗幸醉仰止之心久欲附驥
之誠茲蒙攀龍之願輒修尺牘聊叙寸悃切以傳道受業惟其
師化民成俗由于至聖陶鎔成利而質元留礦揉曲爲直而材必
中繩自非孝者之爲焉異師儒之選諸生而以其下皆賴

摩取一人而拔其尤悉歸教育其惟吏官游夏淵源之至聖荀
羽冀之師川媚山輝鳳臨珠璣之美日光玉潔為更多締繪之文
發藻繁闢青綾象中按章宸陛丹桂高攀歌海嶺贊會之談經會
進玉堂之視早光騰分野應千里之文星露發蒼梧懷布一城之
數兩片見綸言之出召未容鄉校之父留其山豈意微蹤連騰不
距負畫虎類狗之態無毀瓦畫墁之謀鉉乃尚異於陶然驚鷗
猶資於鞭策與其進也庶銷壘圍之心從而師之願預振交之詞

勢見縣官啓

崔曹卿

百里字民久服神明之化一墨受地未修桑梓之恭茲執轡以
踵門敢因文而見意恭惟公官用儒師吏以道為民編藉守前
聲忠厚之風騰踏乎中原太平之日冲襟雅量眇方物而隆九
州筆陣詞章掃千軍而流三峽才無施而不可治所至而有聲
金馬玉堂蓋升華近銅章區區所冀承宣惟同卿道察之餘類
單父循良之治公私兼富何必去珠而復璣刑罰不施自曰鳴

琴而坐治四民咸樂於善政一同如在於春臺聞武城之弦歌
已疑真績作簡若之霖雨行振祖風其於斯小儒習愛蔭緒業
不謂區區工賈之業粗知求仁義礼樂之源覽東子之五車推
鋒於古破少陵之萬卷筆下愈難未能自致身於青雲何以慰
衙門之白髮人方共奔志乃益堅敢欲見天下之英豪庶可下終
身之窮達幸托邵封之內獲依師帥之賢念勢隔於雲泥終未
晤於山斗茲者不知其貧賤率然進拜於光儀奎元礼之龍門
獨高矣接許子將之月旦更在品題情踪欲言楮墨莫既

贊見縣丞啓

黃子才

一嘆同井母懷慈雁之心九里漸河密托粉榆之蔭論交夙佩
於便蓋同風切慕於執轡幸許宅龍敢希附翼共惟其官山亭
流孤魏國傳芳藉七葉貂蟬之貴而自視數然獨有川錦綉之
文而咸推作者監田於竹嘗助吟哦盛邑江山志屬詞源德高
里閭所居盡仰其人治表縉紳有識全揚其善政四海鳴列

方里鵬博州縣之政官以徒勞公侯之後必獲特於才藝力能
家傳宣在於通義蘭王一枝門大當容於駟馬益新朕於龍
鄉邦其遇合歷年服膺有日自惟旅進旅退憂勤公子履履之
迎仰期三沐三熏當效門人握衣之請輒修尺贊聊表誠伏
望宏量務愚深情悼屈未酬宿券敢伸拜縈之悃猶冀餘波俾
脫沙泥之死為幸多矣何日忘之



通憲使交代啓

粉闥分首已四時矣於後應澤國按刑乃重來而繼踵事緣幸會
愧溢清崇共惟其官奧學洞微英風載德振元祐六家之列想
喬木之猶存誦河東三豎之書信老生之莫及早茲賢鑒三鬴
召音賢關咸仰於儀刑政省實資於詳練知慮不以三公易介
每從容於進退之間謝明命以五斗折腰自勇決於歸來之賦
雖委將於使相必嗣請於直祠解組而歸大有光於吾道茲後
而出寧無意於斯人其夙來從游申結契好雖雲際驚鴻之有

間奈比年出處之畧同再上湘江草草尋常之役而亦未嘗不
蘇公敗於於梁夫分無竹馬之群迎之於道而亦未嘗不
義必告新見貧思齊尚巧芝蘭之類要人必無不備之
規良觀匪徒陳言莫究

通帥府交代啓

張安國

五筦職官已宣無幽之典三湘謀帥又叨使過之恩蓋為衣鉢
之傳實出陶鑄之自伏念其奉身無術與出全疎實行於利害
之途寧處中說說之幾載從去國憂遣作州率以五六月之間
則為數千里之役精神耗於憂畏筋力弊於奔馳忽忽忽來國
不允擲揄之鬼不賢不侯獨奈何美非之人宜無一頃之可耕況
復雙親之既老方快壽養之適勿圖賜復之榮恭命而行懇辭
不獲效益伏遇某官奉簡聖恩道寬民先為寬命薄逢來迫立
風塵之表夫汝漢排淮泗橫馳翰墨之場比收一笑之功隊後
陸梁之寇雖在公以為餘事然寬上之所甚憂辱乎懷而召歸

當言無而妄立即以所臨之巨屏昇之於多之諸生其敢不括
守規模益厚策方老吾老幼吾勿添新錫福之私亦亦步移亦
趨雖望絕塵之晚

通府尹交代啓

疏因中禁移鎮近藩朝漢初班已著緒紳之習臣言實慶序瞻
旌布之臨欽聽生舞喜臨下閭共惟其官休又華國清慈傳家
誰為胡著（平）職出作儒林之領袖聲猷振發皇路從慶榮
中外政更以被宿疏之眷惟武陵之望即本湖右之要即計重
鎮臨宴賓名德欽流信化顧曾勤八座之崇論並經邦侍六
重之邃其偶叨分竹甚愧揚雄仙門閑堅貞誠於記史瞻仰
道左行贊喜於邦人

時判交代啓

晁補之

蒙恩外補承之後惟集義之素勤獲趨因而自慶恭以某官
夙懷整潔獨有今各行已不撓而嚴推居官所至而民願尚

器雖出佐藩維其賢博自冷孝子寡子陪其終中必非所宜
密奉甘旨於憂闕諱其私便企青雲而雖奮其自雪以良難行
結門德祖窺鉅軌於偷幸會悃悃多輝

教授交代啓

何道夫

衡幣不講妨賢路以深斬就車肯來爲文明之一出士知歸向
道有宗師恭推其官與孝心傳美才夫國元元本本不獨求之
於靈臺也餘臣三矣蓋嘗棲之於造次起居之際聽其沈於造化
付雖定於必各賜學然歸豈直獨後鶴書號乃行遂超于實是
以官定非久計其承顧惟舊托契尤深亮陸氏陸寡亦哲兄之
門下讀阿芳賦嘗誇令子於卷中逮茲數多之交永以雲仍之
好自聞除目即欲引歸以日月之少差於簡書之弗應致煩家
食坐閱歲時竟家負夫亡耻之活各愈堅君子難進之高道何
以見曾衛之士但切兢惶奉而游散向之間未終斥責

推官交代啓

接辭交兵獨管領蓋之數隨漢後方為冒竊紹之廷退循綿力
仰愧更責大推其官德宇粹溫風猷凝遠率躬以礼允推成晚
之夷廟上以中獨障公車之奏存俯從於博鎮一未幾於緒餘
望高則以往塵不幾乎淺敷雀群於幕府固匪其官行披霧隱
之文聖有風傳之翼其泊於謀食謀此叨恩常恨暮來失桃李
成蹊之後敢為早計有官則代置之策雖陳武之難能豈求交
之易遇汗顏自因領制龜鼻之神則事可師徒觀伐柯之則

將尹交代啓

東海之洋十車望數景星之睹十日爭先甚置寶錦之多傷獨
幸伐柯之未遠共推其官忠純許國豈第自民瞻足已超許道
驂於十駕豹章其蔚尚窺見於一班蒼言淮海之邦久屈雲霄
之步蓋歸節所用副師言奔洗絕塵莫繼大賢之躅優游卒歲
敢忘後事之師

主簿交代啓

聲亦相聞未嘗主百朝又願見是勞丁以故何際會之多遂有
交承之起恭惟某官儒林家孝友祖風鵲鄉耆於三評蓋正
聲於仕路君固自謂州縣之政為徒勞人予亦有三萬貫之途
皆由此始以報三年之政豈容百里之留某辱在宗盟獲同鄉
曲因幸牽絲之始輒為佩印之交願行李之敢遲恐及瓜之願
代曰未見止尚期懷蓋以相忘親而視之猶喜伐柯之不遠

縣尉交代啓

權若平生心昭未忘於頃蓋托諸不朽情親將遂於交符深虞
曠職以妨賢行聽先聲而輟路敗幾尺廣用展寸誠恭惟某官
江左傳芳武夷早委談經奪帶懷年越三萬卷於胸中發策決
科奏錦囊五十紘於筆下優披楓宸之妙選早騰桂籍之英聲
多術蓋本於家傳政事清明於吏治未展經綸之略來司警捕
之權惟宏材不許於徒勞故同列共欣於得助茲負愚服以風
頌攝於威名又老惟明拍日願觀於德化維日南昌之仙吏空

密西夜之詞臣荷聽詔除入路禁近其荆溪冷族壁水囂儒新
踏證之餘空得叨堊於十祿三載坐廢於歲月一毫無補於事
功豈期爵位之先遂有子孫之教第履輟有勞於公而辭必
難贊於吏張行新號令之儀盡置儒儒庸之解何用其辭之可
直傳誥而欲還敬皇言夙驚之詩惟疾驅之是禱之臣臣臣
陣或敢願調因鼎之宜式副旆旒之眷

趙望

赴任上王帥啓

趙望文

四岳崇高念瞻若而冥冥一官允散望賜履以來歸名奔走於
輶車寔造參於幕府載指未路足厭平生恭惟某官道應泰亨
休包坤厚問萬事而必理因有一龜贊四時而不測人知喬木
會精神於同德詩言貴於聲望應發上星辰內登漢庭之議望
風解印綬外揚異部之威方聖治之計安宜公歸之圖岳巖繁
霖雨猶聞甘棠化秀民於諸生雖有資於當矣奉明主於三代
終無易於主湯何聽絲綸即登卿廟其少懷翰墨長因塵埃想

前輩之風流自斬俗狀謂名臣之勳業治若神人妙懲錫錦之
蓋安作素瓊之計敢期際遇獲在按臨人有一大信與併懷之
厚河潤九里坐期枯槁之難久紀且窮教條方暇顧保和於六
無以來社於百神

赴任上安撫叅政啓

劉其父

仰盛德之門墻切悌懷之庇分列府之符竹獲依節制之尊
撫尋瑣以知榮願叨俞而增愧恭惟承官德格上帝道覺斯民
有絳緯天地之文足以藻飾於百度有折衝樽俎之武足以鎮
撫於四夷出逢千載之宸自結九重之眷頃收還於威柄首登
用於真儒蓋衆弊於一日之中躋乃俗於九天之上功既高而
忘者衆身雖退而道益光謨訥翻魚何錫於日月孤忠挺三
自不改於松筠益隆金石之暗人靜養紳之望方聖主興舊蹟
之勲而國公侯有褒之歸謝公起於東山申伯尚分於南服五
侯九伯暫專鈇鉞之征一日萬幾即正鈇衡之任伏念其愚賤

固陋賦分羈卑少學壯行其意事功之自其材疎智短終無尺
寸之可書幸逃曠敗之誅更曾超陸之寵一麾出守斯非其理
之良十國為連喜有死身之所偶承官之已及成期即展緩以
之官將扣匭而假道望鑒欽板行趨太府之風則指縉臺陳負
小夫之牘

赴任上太守啓

孫賓老

旌門天遠久馳胡粵之心幕府雲開敢注塗泥之迹恭惟都會
獲簡官能何自庸虛雪陪參佐恭惟其官器藏經濟道休中和
出獲泰亨之衢輦據高妙之策誠乎官漢動列宿之寒芒化洽
周圻流淇河之靈潤相時閩部寔首建安在臨雖負於壯圖坐
鎮聿光於遠俗竊愧相慶撫茲本之既成朝郡所須恐棠陰之
徒在其才殊無似志苟好修不量固陋之資將託優容之德荷
王侯之重運依水以其榮事南陽之賢魚泳川而何幸方膺藉
以問道即摳衣而造辭鉞既攸司庶或裨於毫髮及於宸覽謹

蓋於瑕疵頌詠深占言莫既

赴任与通判洛

馬子才

叨奉宸恩獲承郡寄湖山千里斷非其理之良民社一邦乃結
同僚之契尚倭瓜特之濫先雲休之瞻伏惟其官上知稟資
中庸為德幸既優於職亦茂於業重旋膺出守之榮更修
顯輿之寵其猥由令使濫領分符方虞浮食之滋敢意餘光之
托請惟欣幸局既敷管

赴任通判洛

林儀卿

幸業同門嘗服何蕃之義行宦游有地將親鄭老之襟期苟非
黃緣曷為及際恭惟某官言到聖處文有古風北海之掣鯨鰲
豈若看翡翠蘭名之上長途而鳴謝興無復顧驚駭弱林之間
吾道得其主張多士有所矜式孰謂廣之先生之官冷自許少
室山人之價高叫圖閣以秋無常恩又太守之為上玉堂而有日
誦金朝客之辭其體不素何榮非得已下室之邑可使之室幸免不孝

之誠一卷之書必立之師願聞教失之教其為欣慕易於教揚

赴任上判官啓

林肯庵

傾蓋如故曾留五里之亭嘉賓勿疑厚在十室之邑知文明之
同好諒宿世之有緣恭惟其官淵量冲澗壑宇峻疑家孝本儒
林之傳授鄉評尚淑俗之品題棠影清風然不任黃堂之景連花
綠水獨榮紅幕之宿母難容主論事之籤畫其路涉占位之筆
政為騰遠筆最居先三年然後有成雖區區勞州縣之職諸公
唯能引類當表從從臺省之登其世事茫然情聊尔老長
途之奔走行依厦屋之軒幪臭味既同請結蘭金之好膏育有
疾願因梁石之言欣林何多敷陳曷既

赴任上推官啓

王清仲

姬宗奕輝仰瞻鴻臚之縣儉慕春容喜見芙蓉之泛曾為際遇
行遂趨承故奉天書敢通文席恭惟其官銀漢雲潤玉牒聯輝
江夏之略而河間之賢采虛之忠而東平之善麟士生而一角

王臣方發軔於華途姑借才於從事登按具池歎秋夜以清談
狂笏才高致朝來之爽氣即膺薦剡妙簡宸旒擊水三千喬鵬
程於滇渤去天尺五隸仙籍於蓬萊某鈐刀齋儒莠未冬分
隨太史牛馬走之賤濫登正元能虎榜之科初試尉曹未闕吏
事君有面墻之患動多摘埴之虞所賴依仁少藉曠貶何其幸
也獲披宿霧於公堂必有甚焉願借餘波於君地

赴任上知縣啓

高子美

考課為天下之最夙仰聲猷君邦事大夫之賢將詣志願企琴
堂而迦德扣記室以修誠隆寒正亘於窮冬碩哲宜膺於備福
恭惟某官清規映古大雅不群孝通四部之書才號萬人之傑
儒林相赫青雲得路於妙年仕籍輝華綵捧收功於不日欲展
經綸之業先揚意養之能豈惟循吏之稱追蹤史傳自是即官
之宰上應列星別聽寵除要躋華要某講聞高誼之久偶叨佐

理之照顧從政之惟新未請施設頒頒蓋之如故固可師承行
且圖之何其幸也望覆匪覲傾心尤勤尚保綏於天和以增重
於民社自餘頌祝罔既敷宣

赴任与丞啓

仰止士林之望識面無由居然宦牒之同論交有自非人力致
得我心期恭惟某官德宇粹夷文華炳蔚駕車熟路知宏業之
方興發刃新硎昔奇材之未試過委千金之重退潛百里之間
美竹溫蘭碩芳馨之莫掩老柳脩竹仰嘯詠以自怡時方急賢
日冀異寵某猥承銅墨獲並因馮當問道之未聞遽移書而下
及珠玉在側敢述形穢之誠松栢後凋徒覩歲寒之託

赴任与簿啓

落魄一官雖為令尹而無喜色夤緣共事未見君子而有愛心
敬修咫尺之儀先致寒暄之問恭惟某官識度清雅襟懷曠夷
揚藁儒等之林振步宦海之路至如詣習主簿或謂其徒讀下

年之書但願識韓荆州亦有弗羨方戶侯之貴矣自此而大
官取可卜而來姑煩經濟之才暫試勾稽之任區區三川縣之職
固非為大賢之容衣三葉貴人登富不在諸公之後乃符分銅
墨聊欲微歌將同寮家之明復講詩書之好齊鳳而撫枳棘君
豈為鸞鷟之知腐鹿以豐庖厨我未能射虎之化願言承教敢
不尽心

赴任与尉啟

閩為一鄉夙有桑梓之敬甫分百里願同桃李之盟喜其可知
幸則如此恭惟某官清襟映俗懿義軼群黨閭閻日月之評人
物想風標之異富貴可以必至事業蓋其有餘來游宦或之場
姑試神仙之吏空異北之野正騁騁長鳴之秋祝伊闕之難憑
鵬鵠双飛之瑞行矣遠到壯哉自期其祿以為親仕不擇地適
及瓜之可往願行李之未歲少馳車騎之馳先奉双魚之問候
盖如故將詣識面之求同官為僚喜結同心之好

事文類聚朝墨金書卷之二十

